

आकाशवाणी

बिहार विधान सभा चुनावं दे पैहले गेड़ तैहत कल 121 चुनां हलकें च वोट पोआए जागंन।

भारत दे बड़डे सहकारिता संस्थानें च शामिल इफको ते अमूल गी सकल घरेलू उत्पाद च शानदार प्रदर्शन दे आधार उप्पर दुनिया दी सर्वश्रेष्ठ सहकारिता संगठनें च शुमार कीता गया ऐ।

IIIT दिल्ली सनें भारत दी 54 शिक्षा संस्थानें गी युनिवर्सिटियें दी QS विश्व दर्जेबंदी च शामिल कीता गया ऐ।

उत्तर-प्रदेश दे वाराणसी च अज्ज देव दिपावली मनाई जा रदी ऐ।

दनिया भरै च अज्ज गुरु नानक देव जी हुंदा प्रकाश महोत्सव धार्मिक श्रद्धा कन्ने मनाया जा रदा ऐ।



Bihar Polling First Phase

बिहार च 18एं जिलें दे इक सौ 21एं विधान सभा चुनाव हलकें दे पैहले गेड़ दे चुनां कल करोआए जागंन। मतदान आहली प्रक्रिया आज्ञादाना निरपक्ख ते शांति आहले ढंगै सिर करोआने लेई सुरक्षा दे व्यापक प्रबंध कीते गेदे न। मतदान बड़डलै 7 बजे शुरू होग ते संजा 6 बजे सम्पन्न होग। चुनां दे इस गेड़ च कुल इक जहार 314 मेदवार मैदान च न, जिंदे भागें दा फैसला 3 करोड़ 75 लक्ख मतदाता करगंन। इंदे चा 122 महिला मेदवार ते इक ट्रांसजेंडर मेदवार प्रीति किन्नर ऐ, जेड़ी जन सूरज पार्टी दी टिकटै परां गोपालगंज जिले दे भोरे विधान सभा हलके थमां चुनां मैदान च ऐ।



World Cooperative Monitor 2025

भारत दे बड़डे सहकारिता संस्थानें च शामिल भारतीय करसानें ते हैलें सरबंधी सहकारिता संस्थान (IFFCO) ते गुजरात च दुधै सरबंधी सहकारिता संस्थान (AMUL) गी सकल घरेलू उत्पाद च शानदार प्रदर्शन दे आधार उप्पर दुनिया दी सर्वश्रेष्ठ सहकारिता संगठनें च शुमार कीता गया ऐ। ए दर्जेबंदी अंतराष्ट्रीय

सहकारिता एलायंस (ICA) दी विश्व सहकारिता निगरान 2025 आसेया कीती गेई ऐ। इस दर्जेबंदी दी घोषणा ICA CM 50 नै दोहा च आयोजित इक सम्मेलन दौरान कीती। अमूल दे दुग्ध सरबन्धी सरिस्ते नै लक्खे बद्धे ग्रामीण लोकें दे जीवन च सुधार आनेया ऐ ते खाद्य सुरक्षा ते राई-बाई सरबन्धी कारोबार च भारत दी सहकारिता गी मजबूत करने ते आत्मनिर्भर बनाने च योगदान दिता ऐ। इयां गै इफ्को नै बी गुणवत्ता आले निरंतर हैल दा उत्पादन करियै ते होरनें क्षेत्रें च योगदान करदे होई लक्खें बद्धे करसानें दे जीवन गी बेहतर बनाने च योगदान कीता ऐ।



QS World University Ranking

युनिवर्सिटियें दी QS विश्व दर्जेबंदी 2026 च IIT दिल्ली मुख्यें दा सारे कोला सर्वश्रेष्ठ संस्थान बनियै उभरेया ऐ, जिस गी विश्व स्तह उप्पर 123मीं थाहर मिली ऐ। कुल संसारी सूचि च भारत दी युनिवर्सिटियें शानदार प्रदर्शन कीता ऐ जेदे च मुख्यें दी कुल 54 संस्थानें गी थाहर थहोई ऐ। IIT दिल्ली मगरा, IIT बाम्बें गी 129मीं, IIT मद्रास गी 180मीं ते IIT खरगपुर गी 215मीं थाहर हासल होई ऐ। इसदे इलावा IISc बेंगलोर 219मीं, IIT कानपुर 222मीं थाहर उप्पर ऐ। विश्व दी सर्वोच्च साङ्डे 3 सौ युनिवर्सिटियें च दिल्ली युनिवर्सिटी अपनी थाहर बनाने च कामयाब रेई ऐ।



India Israel

भारत ते इज़रायल नै आतंकवाद गी उक्का बी बर्दाश्त नैई करने दे अपने नजरिये गी इक बारी परतियै दोहराया ऐ। विदेश मंत्रालय नै ए गल्ल विदेश मंत्री एस.जयशंकर हुंदे आसेया अपने इज़रायली हमरुतबा Gideon Sa'ar हुंदे कन्नै दिल्ली च लग्गी दी इक बैठक मगरा गलाई। मंत्रालय नै आखेया जे दौनें मंत्रियें बश्कार गल्लबात बड़ी सार्थक रेई ते दौनें पक्खें भारत-इज़रायल रणनीतिक सांझेदारी गी होर बदाने बक्खी व्यापक चर्चा कीती। मंत्रालय नै अगगे आखेया जे दौनें पक्खें राजनैतिक सुरक्षा, कृषि, बपार ते निवेश दे खेतरें च होआ करदे सहयोग दी समीक्षा कीती। एदे इलावा लोकें-लोकें बश्कार सरबन्ध उभरदी तकनीकें, सैमीकंडक्टरें ते साईबर सुरक्षा सरबन्धी मुददें पर बी चर्चा कीती गेई।

इजरायल दे विदेश मंत्रियें पच्छिमी एशिया ते खाड़ी मुल्खें च होआ करदे घटनाक्रमें उप्पर इजरायल दे पक्ख गी सामने रक्खेया- जेल्लै के डाक्टर एस. जयशंकर होरें गाजा शांति योजना लेई भारत दा समर्थन व्यक्त कीता। जयशंकर होरें बंदकें दी वापसी दा सोआगत कीता ते मेद प्रकट कीती जे शांति योजना इक स्थाई हल दा रस्ता पदरा करोग। विदेश मंत्रालय नै आखेया जे दौनें मुल्खें सुषमा स्वराज Institute of Foreign Service ते इजरायल दे विदेश मंत्रालय बश्कार सिखलाई सरबंधी समझौते पर बी दस्तख्त कीते।

<><><><><><>

Dev Deepawali

उत्तर-प्रदेश दी वाराणसी थाहर अज्ज “देव दिपावली” मनाई जा करदी ऐ। “देव दिपावली” गी वाराणसी च रोशनी दे उत्सव दे नां कन्नै बी जानेया जंदा ऐ। ए उत्सव दिवाली मनाने दे उत्सव च शामिल होने आस्तै देवतें दा धरती पर गंगा नदी उप्पर औने दे सरबंधै च मनाया जंदा ऐ। ए उत्सव कतक पुणेया दी भ्यागा च शुरु हुंदा ऐ- जिस्सलै श्रद्धालू गंगा च स्नान करदे न ते संजा घरें-मंदरें ते घाटें पर दीपमाला कीती जंदी ऐ। जिस्सी दीपदान आखेया जंदा ऐ। ए विश्वास ऐ जे, ए देव आत्माएं गी धरती पर मार्गदर्शन करदा ऐ। इस मौके गंगा आरती बी हुंदी ऐ।

<><><><><><>

J&K Prakash Parv

अज्ज पूरे देशै च “गुरुनानक जयंति” यानि “गुरुपूर्व” दा त्योहार धार्मिक श्रद्धा कन्नै मनाया जा रदा ऐ। सिक्ख धर्म दे संस्थापक गुरु नानक देव जी हुंदी 556मी दी जयंति पर सिक्ख समुदाय दे लोक अज्ज गुरुद्वारें जाइयै प्रार्थना करदे न, नगर-कीर्तन करदे न ते लंगर दी बवस्था करदे न। अज्ज मुल्खें दे मते सारे इलाकें, खासकरियै उनें इलाकें जित्थे सिक्ख समुदाय रौहन्दे न- उनें इलाकें च छुट्टी ऐ। जम्मू च अज्ज मुख् कार्यक्रम बीबी-चांद-कोर गुरुद्वारें च होआ रदा ऐ जित्थे नगरकीर्तन ते लंगर दी बवस्था बी ऐ।

<><><><><><>

President Guru Nanak

राष्ट्रपति द्रौपदी मुर्मू हों “गुरुनानक देव” जी हुंदी “प्रकाश पर्व” दियां देशवासियें गी मुबारखां दितियां। इक सोशल मीडिया पोस्ट च राष्ट्रपति हों आखेया जे ए मौका सब्भनें गी गुरुनानक देव जी हुंदे आर्दशें ते मुल्लें गी अपनाने लेई प्रेरित करदा ऐ ते बेहतर समाज दे निर्माण दा मार्ग-दर्शन करदा ऐ। उनें आखेया जे गुरुनानक देव जी हुंदे उपदेश सच्चाई-न्यां उप्पर आधारित जीवन जीनें लेई प्रेरित करदे न। उनें अग्गे आखेया जे ओ सब्भनें गी ईमानदारी आला जीवन जीनें ते अपने संसाधनें गी बंडियै बरतने लेई प्रेरित करदे न। उनें लोकें गी अपने जीवन च गुरुनानक देव जी हुंदे उपदेशें गी अपनाने दा आहवान कीता।



Digital Life Certificate Campaign

अमले सार्वजिक शकैतें ते पेंशनरें सरबंधी मामले दे मंत्री डाक्टर जितेन्द्र सिंह होर अज्ज नमीं दिल्ली च चौथे राष्ट्रव्यापी डिजीटल लाईफ सर्टिफिकेट अभियान दी शुरुआत करोआंगन। मंत्री हों आखेया जे महिना भर चलने आला ए अभियान मुख्य भरे च ढाई हजार कैम्पें च आयोजित कीता जाग। उनें अग्गे आखेया जे इस अभियान दा मकसद टैक्नालोजी दी मदद कन्ने पेंशनरें दे डिजीटल सशक्तिकरण च बाद्दा करना ऐ। ए अभियान ए यकीनी बनाने लेई आयोजित कीता जा करदा ऐ, खासकरियै बुजुर्ग पेंशनर अपने जीवन सरबंधी दस्तावेज आराम कन्ने जमा करोआई सकन। इलैक्ट्रानिक्स ते सूचना टैक्नालोजी मंत्रालय ते भारत दी टकोहदी पंछान सरबंधी प्राधिकरण (UID) इस अभियान दौरान तकनीकी सहायता उपलब्ध करोआग।



Weather

जम्मू-कश्मीर दे पहाड़ी इलाके जिंदे च गुलमर्ग ते सोनमर्ग बी शामिल न- च जंदी रातीं बर्फबारी होई ते किश इलाके च बरखा पेई। कश्मीर-किश्तवाड़-पुंछ च बर्फबारी होई जदके श्रीनगर-जम्मू ते होर दुए इलाके च जंदी संजा बरखा पौने करी खिते च तापमान चिगला औने करी ठंड बधी गेई। मौसम विभाग दे डायरेक्टर डाक्टर मुख्तार अहमद हों दस्सेया ऐ जे अज्ज तापमान बदलौखड़ा

रौहग- ऊआं कश्मीर ते जम्मू खिते दे पहाड़ी इलाकें च हल्की बर्फबारी जां बरखा पौने दी मेद ऐ। उनें गलाया जे 6 नवम्बर शा 15 नवम्बर तगर मौसम खुशक गै रौहग।

